

INUIT ATAQATIGIIT INATSIARTUNI



UPA 2026/65

03. juni 2026

Ane Hansen

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiunneqarpoq: Nunat tamalaat niueqatigiinnikkut suliniaqatigiiffiannut (WTO) ilaasortangornissaq siunertaralugu, ilaasortangorniarnermik sapinngisamik piaarnerpaamik aallartitsinissaannik, Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortat, Demokraatit)

Siullermik siunnersuuteqartut Demokraatit siunnersuummut soqutiginaratumut qutsavigerusuppakka.

Siunnersuutip siunertarivaa Kalaallit Nunaata Nunat tamalaat niueqatigiinnikkut suliniaqatigiiffiannut WTO-mut ilaasortangornissaa siunertaralugu Naalakkersuisut piartumik suliniuteqarlutik aallartissasut.

Nunat tamalaat niueqatigiinnikkut suliniaqatigiiffiat WTO Naalagaaffiit 166-inik ilaasortaaffigineqartoq, nunarsuarmilu niueqaatigiinnermut tungasunik 98 % tikillugu malittarisassiuussisartoq ilanguffigissagipput Demokratinik kissaatigineqarpoq.

Oqartoqarsinnaagaluapoq Naalagaaffeqaterput Danmark aqqutigalugu ilaasortaarsugut, Danmarkilli EU-mi nunat ilaasortaasut allat peqatigalugit niuernermi piginnaatitaanini EU-mut isumagisassangortinnikummagit Kalaallit Nunarpullu EU-mut ilaasortaangimmat tamanna nunanit allaniit WTO-mut ilaasortaasunik paasiuminaatsinneqarsinnaammat immikkut ilaasortangorniarsinnaanerput aamma periarfissararput.

Aammami Kalaallit Nunaat nuna Namminersortooreerami ilaasortaanissamullu piunasaqaatit naammassererlugit ilaasortangorniarsinnaanissarput nammineq aaliangersinnaarerparput. Nunat tamalaat niueqatigiinnikkut suliniaqatigiiffianut WTO-mut ilaasortangorsinnaasut tassaapput Naalagaaffiit kiisalu nunat akitsuuseriveqarfiit imminut aquttut, Kalaallit Nunaat Savalimmiullu akitsuuseriviupput imminnut aquttut taamammallu nunat taakkua immikkut ilaasortangorniarnissaminnut piunasaqaatit naammassererpaat namminnerlu WTO-mut immikkut naqisimaneqanguaratik ilaasortangorniarsinnaarerlutik.

Siunersuummut uunga tungatillugu § 37 aqqutigalugu apeqquummut nr. 165, 2025-meersumut Naalakkersuisut akissumminni allapput WHO-mut

INUIT ATAQATIGIIT INATSISARTUNI



ilaasortanngorsinnaanerup ingerlaasia pillugu WTO-p allattoqarfia oqaloqatigineqarsimasoq, aamma Danmarkimi Udenrigsministeriaqarfik oqaloqatigineqarersoq, kiislu Savalimmiut ilaasortangorniarnermi misilittagaasa ilinniarfigineqarsinnaanissaat paasisassarsiorfigalugit attaveqarersimasut, taammamat Naalakkersusut WTO-mut ilaasortangorsinnaanissaq siunertaralugu misissuillutik aallarthersimasut oqaatigineqarsinnaavoq.

Inuit Ataqatigiinniit soqutigarpud Nunat tamalaat akornanni niueqatigiinnikkut suliniaqatigiiffiannut WTO-mut ilaasortaasinnaaneq, aammalu nunarsuarmioqatigiit akornanni niuernerme piunasaqaataasinnaasunut ilaasortat akornanni akuersarneqartunut peqataanerup pitsaaqutai aporfiusinaasullu nalilersorluarneqassasut soorlu sullissinermut, pisinaatitaaffinnut, tigussaasunut tigussaangittunullu nunanut arlalinnut qitiusumik malittarisassiuunneqarsimasunut ilaasinnaanerup pitsaaqutai aporfiusinnaasullu qulaajarluarneqassasut.

Taammamat Inuit Ataqatigiinniit Naalakkersuisut allanguutissatut siunnersuutaat isumaqtigarpud, taamatut oqarluta siunnersuutip aappasaanernejartinnani Inuussutissarsiornermut Aatsitssanullu ataatsimiisitliami suliareqqinneqassasut inassutigarpud.